

**Datos do Expediente:**

PROCEDEMENTO ABERTO	
Unidade Tramitadora:	
Contratacion e Obras Publicas - SPV	
Número expediente:	Documento:
CON/2024/8	CON18I02IM
3U11 3S66 3E2P 6N3D 0KHT	

RESOLUCIÓN DE ALCALDÍA

A Xefa da Sección de Contratación, en 09 de agosto de 2024, elevou a esta Alcaldía-Presidencia o informe-proposta que di:

“Expediente CON/2024/8: Reparación asfáltica en camiños de Salgueiral, As Covas e outros

Asunto: proposta de incoación do expediente

En relación ao expediente sinalado no encabezado, emítese informe-proposta en base aos seguintes

ANTECEDENTES DE FEITO

Por esta Xefa da Sección de Contratación emitíuse, en data 09 de agosto de 2024, unha memoria xustificativa para proceder á contratación da obra denominada “Reparación asfáltica en camiños de Salgueiral, As Covas e outros”.

Constan igualmente no expediente o proxecto de execución da obra, así como o informe de supervisión e o Acordo plenario de aprobación daquel.

Resultan de aplicación, a efectos de iniciarse o expediente encamiñado á adxudicación das obras, os seguintes

FUNDAMENTOS DE DEREITO

Prescribe o art. 116.1 LCSP:

A celebración de contratos por parte das Administracións Públicas requirirá a previa tramitación do correspondente expediente, que se iniciará polo órgano de contratación motivando a necesidade do contrato nos termos previstos no artigo 28 desta Lei e que deberá ser publicado no perfil de contratante.

Dispón o art. 28.1, ao que se remite o precitado art. 116:

As entidades do sector público non poderán celebrar outros contratos que aqueles que sexan necesarios para o cumprimento e realización dos seus fins institucionais. Para ese efecto, a natureza e extensión das necesidades que pretenden cubrirse mediante o contrato proxectado, así como a idoneidade do seu obxecto e contido para satisfacelas, cando se adxudique por un procedemento aberto, restrinxido ou negociado sen publicidade, deben ser determinadas con precisión, deixando constancia diso na

documentación preparatoria, antes de iniciar o procedemento encamiñado á súa adxudicación.

Na memoria referida nos antecedentes deste informe, consta a xustificación da necesidade de proceder a contratación:

Con esta actuación preténdese a repavimentación (reposición de rodadura) do vial interior que comunica Castro con Sedes (Cmño. de Salgueiral), o camiño das Cobas en Piñeiros, e pequenas travesías de Castro e San Xiao (Nelle, Pregordo e Coira), camiños antigos de tránsito interno.

Este viais foron pavimentados inicialmente, fai máis de quince anos, con triplo rega asfáltico, rebacheados e repavimentados, ata que recentemente se acomete a rede de saneamento, co que os cruces e o firme sofre deformacións e deterioros que fan urxente a súa reparación xeral.

Así como a idoneidade do obxecto e o seu contido para satisfacer ditas necesidades. Resumidamente:

Consta no expediente o proxecto de obras denominado “Reparación asfáltica en camiños de Salgueiral , As Cobas e outros”, promovido por este Concello e elaborado polo Arquitecto técnico Don José Manuel Saavedra Pantín, en data 16 de xaneiro de 2024, da empresa Urbe Ingenia, S.L.

O proxecto define con precisión o conxunto de actuacións que han satisfacer as necesidades apuntadas con anterioridade.

O obxectivo que se persegue é a realización das reparacións e regularización de bordos e aporte de nova rodadura con MBC, con anchos variables pero máis regulares. A solución proposta consiste:

- *Limpeza xeral de cunetas e noiros en todo o percorrido, roza de maleza e vexetación existente en bordos.*
- *Reforzo do pavimento actual, co rebacheo e repaso de mordedelas laterais, limpeza e varrido da superficie e o rego de imprimación.*
- *Limpeza de tajeas existentes e outros imprevistos nos bordos, a sinalización horizontal co marxe dos bordos en toda a súa lonxitude, e o cabreado de Stops.*

E, igualmente, o procedemento a utilizar para a selección do adxudicatario (neste caso, o aberto simplificado, por cumprirse os requisitos establecidos ao efecto no art. 159.1 LCSP).

Á vista do anterior e téndose por motivada a necesidade do contrato de acordo co art. 116 LCSP, corresponde ao órgano de contratación a iniciación do correspondente expediente. Dito órgano de contratación resulta ser a Alcaldía-Presidencia, de acordo co valor estimado detallado na memoria xustificativa (144.627,27 €), en relación coa D.A. 2.1 LCSP.

Faise constar que esta obra está financiada pola Excm. Deputación da Coruña, a través do Plan provincial de cooperación ás obras e servizos de competencia municipal (Plan único de concellos “POS+ 2024”).

Por outra banda, sinala o art. 116.4.g) LCSP, que no expediente xustificárase adecuadamente:

A decisión de non dividir en lotes o obxecto do contrato, no seu caso.

Corresponde, polo tanto, ao órgano de contratación, a adopción de dita decisión, no seu caso. Na memoria xustificativa sinalase:

Se ben a LCSP establece a norma xeral da división en lotes do contrato, a Base 2.2 do Plan provincial de cooperación ás obras e servizos de competencia municipal (Plan único de concellos) "POS+ 2024", dispón:

Cada proxecto ou prego debe constituír unha unidade a efectos de contratación, sen posibilidade de división en lotes, de forma que cada investimento aprobado poida corresponderse cun único expediente de contratación e cun só adxudicatario, coa finalidade de dar cumprimento ao disposto no artigo 99.3 da Lei 9/2017, do 8 de novembro, de contratos do sector público (BOE nº 272 do 9 de novembro de 2017), relativo á división e adxudicación en lotes.

Consta no expediente de solicitude de subvención (anexo V do POS+2024) o informe do técnico redactor polo que:

Este investimento, pola natureza do seu obxecto, non pode ser dividido en lotes que sexan obra completa:

Por último, cabe resinar que o acordo de incoación do expediente debe ser publicado (art. 116.1 *in fine* LCSP), e que o expediente debe completarse cos restantes documentos preceptivos (entre eles, os pregos, o certificado de existencia de crédito e os informes de fiscalización e da Secretaría Xeral aos que se refiren a D.A. 3.3 e 3.8), sen prexuízo de que sexan incorporados cantos documentos, informes e demais elementos sexan necesarios para completar debidamente dito expediente.

Por todo o anterior e en virtude do art. 175 do Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, este Xefe do Servizo de Contratación eleva á Alcaldía-Presidencia a seguinte

PROPOSTA DE RESOLUCIÓN

PRIMEIRO: Incoar o expediente de contratación das obras denominadas "Reparación asfáltica en camiños de Salgueiral, As Covas e outros", actuación comprendida no Plan provincial de cooperación ás obras e servizos de competencia municipal (Plan único de concellos) "POS+ 2024".

SEGUNDO: Ordenar ao Servizo de Contratación a elaboración dos Pregos de Cláusulas Administrativas e cantos documentos, informes e demais elementos sexan necesarios para completar debidamente dito expediente; á Secretaría Xeral a emisión dun informe previo á aprobación do expediente; á Intervención Xeral a certificación de existencia de crédito e informe sobre a porcentaxe que supón a contratación en relación aos recursos ordinarios, así como a fiscalización previa á aprobación do expediente.

TERCEIRO: Non dividir en lotes este contrato, de acordo co sinalado nos fundamentos de dereito que anteceden esta proposta.

CUARTO: Publicar este acordo no perfil do contratante do Concello."



Visto este informe, e en virtude das competencias atribuídas pola D.A. 2.1 LCSP, esta Alcaldía-Presidencia

RESOLVE

PRIMEIRO: Incoar o expediente de contratación das obras denominadas “Reparación asfáltica en camiños de Salgueiral, As Covas e outros”, actuación comprendida no Plan provincial de cooperación ás obras e servizos de competencia municipal (Plan único de concellos) “POS+ 2024”.

SEGUNDO: Ordenar ao Servizo de Contratación a elaboración dos Pregos de Cláusulas Administrativas e cantos documentos, informes e demais elementos sexan necesarios para completar debidamente dito expediente; á Secretaría Xeral a emisión dun informe previo á aprobación do expediente; á Intervención Xeral a certificación de existencia de crédito e informe sobre a porcentaxe que supón a contratación en relación aos recursos ordinarios, así como a fiscalización previa á aprobación do expediente.

TERCEIRO: Non dividir en lotes este contrato, de acordo co sinalado nos fundamentos de dereito que anteceden esta proposta.

CUARTO: Publicar este acordo no perfil do contratante do Concello

*Ante min.
(Dou fe da identidade do asinante)*